

www.BibleForChildren.org




Génesis 6



Këchömi qellqarëkan Noé imanö
kawanqanpis. Nunakuna
jutsata rurar kawayaptinpis
Noéqa Teyta Diosman
markäkurmi pë munanqannö
kawakurqan. Jinantinchöpis
nunakuna jutsa

rurëllaman
yarparäkur
kawakuqta
rikarmi Noéta
Teyta Dios
nirqan: . . .



... <<Kë patsachö llapan nunakunatam
ushakätsishaq. Pëkunam jutsayuq këkäyan
kë patsachö wanutsinaki kananpaq.
Tsë rëkurmi kë patsachö kaqkunata
chipyëpa ushakätsishaq.>>



<<Tsëmi atska cuartuyuq jatun arcata weqiyuq qerupita ruranëki. Yaku mana yëkunanpaqmi uchkunkunata jananpa y rurinpa breawan latunki.>>



Tsë arcapa largunta
ruranki juk pachak
kima chunka pitsqa
(135) metruta.

Anchuntana
ruranki


ishkë
chunka ishkë
metru pullanta
(22.5). Altuntana
ruranki chunka kima
metru pullanta (13.5).



<<Arca rurinman tukiläya
mikikunata churanki.
Tsë mikitam qamkunapis
y animalkunapis
mikuyanki>>.




Ts n lla arcaman y katsinki k  patsach  k kaq
tukil ya animalkunata chinan orqutayan, qamkuna
salvakuyanq kin  animalkunapis
salvakuy nanpaq.




Püru kaq wätakunataqa qanchista chinata y qanchista orquta arcaman yëkatsinki. Impüru kaqtaqa chinan orqullata yëkatsinki.





Diluviupita
salvakuyänanpaqmi Noéqa
arcaman yëkurqan warminwan,
tsurinkunawan y
llumtsininkunawanpis.





Tsäqa karqan mushuq wata
qallashqanpita juk killata usharir
chunka qanchis junaqmi. Tsëpin Noé
këkarqan joqta pachak (600) watayuqmi.
Patsa rurinpitam atska yaku pashtakaramurqan.
Tsënöllum ciëluchö yakuta tsaparëkaq punkupis
kichakärirqan.





Tsämi chusku chunka (40) paqas
y chusku chunka junaq mana
pasëta tamyamurqan.

Tsënö tamyaptinmi yaku mas y
mas juntaptin arcaqa kaskar
qallëkurqan.



Altun jirkakunatapis tsapanqanyaqmi yaku juntarqan.
Kë patsachö kawaqkunaqa llapanpis shenqakëpam
wanur ushakäyarqan.



Teyta Diosqa manam qonqarqantsu
Noéta ni arcachö këkaq
animalkunatapis. Tsëmi yaku
wallkänanpaq vientütsimurqan.
Tsë vientuwanmi yaku pullanyar
qallëkurqan.






Tsëpitanam kacharqan
juk urpëtana patsa
tsakishqanta o mana
tsakishqanta musyananpaq.




Ishkë kaq killachö ishkë chunka qanchis (27) junaq
këkaptinmi patsa tsakirirqan. Tsëmi Noéta
Teyta Dios nirqan: <<Kananqa
warmikiwan, tsurikikunawan
y llumtsinikikunawan
arcapita yarquyëna.>>



Noé yarqurnam juk altarta perqarqan Teyta Diosta
adorananpaq.
Tsëpitanam cada
casta püru kaq
wätakunapita y
päriqkunapita pishtarkur
altarchö sacrificiuta
kayarqan.





<<Tukï casta
animalkunawan y
llapan
nunakunawan
pactuta rurashqäta
imëpis yarpänäpaqmi
pukutëchö turmanyëta

rikakätsimushaq.
Tsë turmanyëmi
imëpis señal kanqa kë
patsawan pactuta
rurashqäta yarpänäpaq.>>




Tsämi patsa
jananpa pukutë
shamuptin
turmanyëta
rikakätsimushaq.
Tsë turmanyë
yurimuptinmi noqa

yarpäshaq
qamkunawan y kë
patsachö llapan
casta animalkunawan
pactuta rurashqäta. Tsëmi
kë patsata yakuwan imëpis
ushakätsishaqnatsu.



Tsëpitanam Noétawan
tsurinkunata bendisir Teyta
Dios nirqan: <<Mirayë kë
patsaman juntayanqëkiyaq.
Noépa tsurinkunam kayarqan
Sem, Cam y Jafet.>>



<<Tsë kiman
tsurinkunawanmi arcapita Noé
yarqayämurqan. Cam karqan
Canaánpa tétanmi. Noépa kiman
tsurinkunapitam kë patsachö
llapan nunakuna
mirayashqa.>>



Nunakunata alläpa kuyarmi japallan
Tsurinta Teyta Dios kachamurqan.
Tsëmi pipis pëman markäkuq kaqqa
condenashqatsu kanqa, sinöqa
wiñë kawëtam taringa.



Romanos 3:23 Llapan nunakunam jutsayuq kar Teyta Diospa nöpanman chëta puëdiyantsu.

Romanos 6:23 Jutsa rurëqa wanïmanmi apamantsik. Señornintsik Jesucristo noqantsik rëkur wanushqa kaptinmi Teyta Dios alli këninwan salvamantsik nöpanchö wiñëpa kawanantsikpaq.

Hebreos 9:27 Tsënöllum llapan nunakunapis juk kutilla wanuyan y tsëpitaqa juzgashqanam kayanqa.

Efesios 2:8,9 Teyta Dios ankupäkuq karmi Jesucristuman markäkushqa salvacionta qaramashqantsik. Manam kikintsikpitatsu ni allita rurashqantsikpitatsu salvacionta tarirquntsik, sinöqa Teyta Diospitam. Tsëmi pipis alabakunqatsu: <<Allikunata rurashqäpitam Teyta Dios salvamashqa>> nir.



Romanos 10:9,10 Señornintsik Jesucristo mandashuqniki kashqanta nirqa y wanushqanpita Teyta Dios kawaritsishqanta llapan shonqikikunawan creyirqa salvashqam kayanki. Llapan shonqikiwan creyiyaptikiqa Teyta Dios perdonayäshunkim. <<Señor Jesucristuqa mandamaqnimi këkan>> niyaptikiqa Teyta Dios salvayäshunkim.

Juan 3:16,17 Nunakunata alläpa kuyarmi japallan Tsurinta Teyta Dios kachamurqan. Tsëmi pipis pëman markäkuq kaqqa condenashqatsu kanqa, sinöqa wiñë kawëtam taringa. Manam nunakunata infiernuman jitananpaqtsu Teyta Dios Tsurinta kachamurqan, sinöqa pëman markäkuyaptin salvananpaqmi.



1 Juan 5:11-13 Wiñë kawëta qomashqantsiktam Teyta Dios käyitsimarquntsik. Tsë kawëtaqa tarintsik Tsurin Jesucristuta chaskikurmi. Teyta Diospa Tsurinta chaskikuq kaqqa wiñë kawëtam tarin. Mana chaskikuq kaqqa tsë kawëta manam tarinqatsu. Teyta Diospa Tsurinman markäkuyaptikim kë cartata apatsimü wiñë kawëta tariyashqëkita musyayänëkipaq.



Génesis 1-2

Storyline by: Edward D. Hughes

Illustrated by: Byron Unger, Lazarus
and Alastair Paterson

Adapted by: Bob Davies; Tammy S.

Quechua, Huaylas Ancash Bible (qwh) © 2018, Wycliffe
Bible Translators, Inc. All rights reserved.

<https://www.bible.com/bible/734/GEN.1.QWHB>

©2025 Bible for Children, Inc.

www.M1914.org

www.bibleforchildren.org

